



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 37. Acerrimum Regis Angliæ responsum.

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

„ tum in te est, extrema, quæ Eccle- Sæcul XVI.
 „ siæ intulisti, ac singulis diebus eidem A C. 1526.
 „ infers, mala reparare fatage. „

§. XXXVI.

*Epistola Lutheri Angliæ Regem ad
 hæresin in regnum inducendam
 sollicitantis.*

Nec prospero magis successu Angliæ Regem ad sua studia pertrahere nitentur Lutherus. Non deerant, qui eidem spem facerent, fore, ut iratum Regem facile placare, imo ad suam quoque sectam allicere posset; quocirca epistolam ad eundem pericripfit, submissione atque adulatione plenam. Inter alia sic Regem interpellavit; *Inter oper. Luth. ep ad Reg. Angliæ tom. 2 fol. 92. Cochl. l. c. p. 132. 135.*
his literis prosterno me pedibus Majestatis tuæ, & quantum possum humillime per Crucem Christi veniam rogo, in quibuscunque Majestatem tuam læsi. Dein si Majestati tuæ non videbitur contemnendum, ut alio libello publico Palinodiam cantem, faciam illud libentissime.

§. XXXVII.

Accerrimum Regis Angliæ responsum.

Regis Angliæ responsum ad Lutherum expectatione sua longe acerbius est. *Cochl. l. c. 136 & 137.*
Hist. Eccles. Tom. XXXV. F rat;

Sæcul. XVI. rat; Henricus enim eidem objectabat
 A.C. 1526.

*Inter opera
 Episcopi
 Roffensis u-
 nacum lib. de
 Sacrament.
 Sleid. comm.
 l. 6. p. 165.*

animi sui levitatem, doctrinæ suæ erro-
 res, cunctaque abominanda scelera, quæ
 contra Deum, Ecclesiasticos & sæcula-
 res Principes, necnon adversus omnia
 sanctissima quæque per solidos octo vel
 novem annos commisit. Acrius vero
 eidem exprobravit inæstas æque ac sa-
 crilegas nuptias: *Miror, inquit, quod
 te non pudeat serio levare palpebras, dum
 diabolo instigante in eam ingenii levitatem
 cecidisti, ut ob carnis ineptias, & obscenas
 libidines, cum frater Augustinianus sis, Mo-
 nacham Deo dicatam scelerato compressu
 violares. Quale flagitium si designasses o-
 lim apud Romanos Ethnicos, & Monacha
 terram viva subiisset, & tu ad mortem us-
 que verberibus esses multatus. Verum e-
 tiam, quod nimio est execrabilius, eam publice
 pro uxore nuptiis inæstissimis traduxisti, at-
 que ita palam summo per totum mundum
 opprobrio, summo cum totius mundi stupore,
 summaque cum sanctissimorum votorum con-
 tumelia per nefas abuteris in quotidianum
 prostibulum. Denique, quod omnium ma-
 xime est detestandum, cum te deberet tam exe-
 crandi facinoris pudor, & dolor obruere,
 pœnitentiæ loco præ te fers miser impuden-
 tem gloriam, tam longe fugiens imploratio-
 nem veniæ, ut etiam in tui sceleris exemplum
 passim per pseudoreligiosos literis ac libris
 alios provoces. Reliqua totius hujus e-
 pistolæ*

pistolæ æque gravi stylo concepta erant; Sæcul. XVI. A C. 1526.
 præprimis vero vehementer invehebatur in Lutherum, quod ejus librum de Sacramentis *nonnisi Henrici a subdolis Sophistis subornati partum* dicere, ac Volfæum Eboracensem Cardinalem convitiis proscindere ausus fuisset; quocirca Rex eidem Luthero hæc declarabat, *librum hunc & meum esse multi majori fide digni, quam sunt tui testes, cognoscunt. Et ego, quanto tibi minus placet, tanto magis libenter agnosco.*

§. XXXVIII.

Lutheri rabies contra Angliæ Regem.

Pœnituit brevi Lutherum, quod mitius Sleidan. l. c. e- p. 166. Angliæ Regi perscripisset; cum enim quandoque rabiem suam eo duntaxat sine temperaret, ut illi, quos offendit, pro venia supplices ad pedes ejus procumberent, ita totam bilem suam in eos effundebat, qui ejusmodi submissionem exhibere cunctabantur. Luculentum hujus arrogantiae specimen præbuit in suo libello, quem inscripsit, *Responsum ad maledicum, & calumniosum Regis Angliæ scriptum.* In eo Regem his verbis alloquebatur: „Vehementer „doleo, quod te adeo moderate habuerim, id amicorum precibus victus
 F 2 „feci